

特
八和8
822
4止





大東詩集卷之六

東都書肆 藻雅堂輯

五言絕句

折梅贈人

宮田明

園中白雪枝素艷映春月折來親贈君不勞驛使發

漫興

熊阪秀

遲日園林暮春風桃一樹晚霞相映

好疑入武陵路

春日答野生

緒方修

春風縱載酒爭似子雲亭
門前少車馬不草太玄經

初冬偶成

高木了伯

獨坐看飛雪銜杯好避寒
行年過七十白髮尚衝冠

別意得雲字

高木元碩

烟隔湖南樹雨晴江北雲
津亭千里別何日復逢君

春日奉謁台州先生

武田流之

春風攜杖去乘興問蓬瀛
不解仙家語唯聞黃鳥聲

憶隱者

高木榮

微雨千峰散寒雲烟水暮
不知太岳

中獨坐為何趣

遊象瀉過西行菴

中木好問

湖上茅菴古風霜幾度秋詠歌人不
見轉覺晚來幽

早春谷人贈梅花

凡河內好古

江南春偏早寄與一枝梅忽見清香

起不須驛使來

長信草

石川陽

餘寒長信盡春色有陰晴誰種宮門
草年、拂亦生

浪華別三友生 谷建

浪速相逢處殷勤一夜中人如四橋
水明發各西東

尋山寺

益德

溪路白雲深，山行碧樹陰。忽聞鐘磬響，漸覺近廬岑。

夏日山中

古島

高枕山中夕，松風盡日吹。忽看空翠色，為雨灑茅茨。

夜泛

劉維翰

與客攜鱸酒，輕舟溯晚潮。澄江秋月白，鶴唳過涼霄。

春水滿四澤

松崎維時

東岼連西岸，南流入北流。桃花源杳渺，何處泛漁舟。

山叟

安修

蒼松三百丈，下有石牀平。山叟焚香坐，閑聞天籟聲。

丹楓河

今

看愛丹楓河，清流落葉亂。欲濟暫躊躇。

九夏詩集 卷六
四
踏錦綺恐中斷

夏夜醉卧松下 木雍

月前將避暑石上引清風醉卧長松下
琴聲入夢中

子夜春歌 全

歡至頻呼妾分明三四聲春風驚曉
夢惟有乱鶯鳴

送古田翁還北越

紀德民

別恨東江水歸心北海雲醉裡如相
憶時教雁鯉聞

長安道 廣瀨惟親

天府長安道縱橫直且通桃華珠勒
馬公子向新豐

江中八勝之一

琵琶湖 西川瑚

萬古琵琶水清波千里流湖山明月
色不讓洞庭秋

詠史

今

雖為漆園吏王公不能噐尊位比犧
牛終身養其志

潮來詞

今

儂心如孤石底深不可見即心如浮
萍隨風能聚散

同木君恕江東避暑

唐世濟

濯足長流水披襟灑海風非關河朔
興一醉步江東

鷺湖晚望

今

秋天清似水秋水明如鏡何人乘月
歸扁舟起風詠

勸酒

奧田士元

大東詩集 卷六
我有春醪香玉杯為君酌不飲將何
如園林春花落

賦和歌題

井黃庭

皓然明月夜雪色亦皓然踏雪梅花
下新梅明月邊

七夕

料治度

為恨銀河水盈、每隔秋相逢相別
處應添淚痕流

春雨

全

紅、又白、桃李能媚人無那一朝
雨翻飛忽謝春

春江有感

全

春江流不窮春花飛那邊年光與落
花隨水去何處

望富士

杉江福太

喬嶽四時雪千秋富士山江都三百

里咫尺在雲間

卧龍梅

山致卿

野梅千古樹弄玉吐清芬是似蛟龍影飛騰落白雲

題東江源處士所藏井純卿画

山水

井潛

毫末翠如煙金峩山萬丈何人老畫手移在東江上

題柳樹下西施將侍兒畫

合

解語花無語垂楊媚侍兒逍遙似移步不是捧心時

三峰翠黛

西京稻荷山十二勝之一

合

雨後三峰色遠浮如翠煙山晴望漸定螺髻出天邊

新池水禽

同前

今

林泉濠濮趣中有會心人應是忘機
坐禽魚來日親

童山白雪

同前

今

疑見童山色朝來毛髮加芙蓉千百
朶一望尺成花

萬松樓壁上有詩乃故島仲玉
之作悵然次韻

岼鳳質

斯子去何在依然玉水干遙聞山岳
響今日北風寒

塞上聞笛

楓樸

細艸微風夕關山月照營胡笳何處
起巧作斷腸聲

觀芙蓉峰圖

源師道

一拂芙蓉色削成萬古齊卧遊君試

見應是上天梯

冬日送友人歸故鄉

古孝興

家鄉千里路今日送君歸別手青山
外寒風木葉飛

歲晚簡東叡六如上人

源鱗

自別天台路人間歲月催何當隨紫

爽共醉九霞杯

夏夜

河文謙

窓前數幹竹翠陰引微涼玲瓏山端
月漸上入草堂

漫成

原公逸

世人多當交相為先容惟耻楊公
鶴何啻葉縣龍

遊越谷島羅二子惠酒

河世寧

一壺村釀美，閑話坐相酬。猶勝春城裡，烟花醉酒樓。

題畫馬圖

林直卿

畫作太宛物，雙耳如批竹。骨肉何甚肥，非關食苜蓿。

暮春山行

合

為采春山蕨，更從鹿豕群。清流行欲

漱伐木隔谿聞

泉岳寺弔烈士塚

井通熙

白虹今不見，意氣向誰看。七首霜花落，蕭蕭海色寒。

冬曉

合

寒雨半作雲，紛過江城北。風渾莫定，偏添殘夜聲。

贈純卿三首

今

聞道君卧病相憐為同病但看白雲
心青山自無競

二

今

時談詩罷潦倒酒壚傍故人今伏
枕誰與引壺觴

三

今

人言梅花好梅花信自好花落君不

來那遣家人掃

題夜梅画

仲廷冲

月下冰魂爽石間霜節端聲清窓外
水潺湲瀉曾煩

宴野生宅

小野常建

佳宴金樽酒春風醉若泥莫愁歸路
晚路熟武濃西

昭君冢

大邨詡

青々春州生萬古燕山下異域無親
戚胡兒來牧馬

戲裁五色語題白雀圖

滕知慎

生曦中碧夫白雀立黃沙墨妙阿誰
手巧裁緱岳霞

題松尾村旧廬 丹羽桃丸

白河曲々轉夕照對樵漁山水無涯

意秋風滿旧廬

遊飛鳥山 源欽

遠尋春色好花_ハ落草_ヲ芳菲晚來人去
盡山畔鳥飛歸

自遊于西京無同調侶且衰老

日促廢詩賦之雅殆二十年

適源德明自東都至有詩見

贈喜賦謝且追憶服夫子

蘇東詩集 卷六

源辰

赤水珠無恙，攜來試解裝。
豈期垂死客，再見舊時光。

留別金川吉德藤氏

村瀨宗蘭

曾結金蘭契，何圖絕送迎。
縱令相去遠，豈可負平生。

觀騎射圖一首 服元立

當場分隊立，並起四蹄風。
射工將馬力，總存阿堵中。

其二 今

據鞍調弓矢，壹發電光馳。
咫尺對斯物，正看萬里姿。

長江行 宇惠

寂、長江暮秋風，傍客舟。
哀猿與清月，總是入鄉愁。

蘇東詩集 卷六

大東詩集 卷六

游墨水

池雄安

渺漫古渡水寂寞夕陽浮白鷗似有意沙汰送行舟

俠客行

牧友

芙蓉三尺劍美酒髑髏杯千場報仇處總從死地迴

上桃蹊先生墓

巖戴

年々墳上淚凝作碑前苔今日兩行

下復沾石燈回

夜雨

合

獨夜茅茨裡雨聲洒竹籬蕭蕭簷下響索句不眠時

庭上芭蕉

福文祥

綠葉芸窓外醉毫題字滋夜來微雨遍失却昨宵詩

偶成

合

大東詩集 卷六

身後名千載生前酒一杯人間有何物空古皆塵灰

望富峰

源之濟

芙蓉雲外出半嶺夕陽懸白雪常千尺玲瓏衝碧天

松

參議定福

枝頭棲白鶴偃蓋擁窓斜更能通紫氣蓬萊路不賒

秋日原子才邀東溪大夫宮子

亮松君修谷文卿伍子安并

子慎及余汎舟墨河各分體

得五絕

稻垣長章

涼風浮墨水移棹溯江流莫道興何盡揮毫競漫遊

酬圖南君見寄雨中作

今

愁霖興趣盡何日吟窓開慚我玄猶
白無人送酒來

秋曉賞蓮

稻垣長和

早起秋風曉清池菡萏香一枝將折
去花蔭兩鴛鴦

屋後竹

盛芳

屋後千竿竹梢高欲拂雲陋巷未須
易清風有此君

冬夜

太洲

獨夜爐頭夢覺來寒更侵蕭瑟窓外
竹應是積雪深

送友人

中臣國

秋風離別情萬里為誰行不識苦匏
下公、白縱橫

函關聽子規

伍貞於

獨夜函關裡孤燈客思迷子規破夢

去落月雙峰西

席上分題咏炭斗

片猷

誰剖南山竹製籠工自新不教彩鳳宿化出赤麒麟

某氏太孺人八十壽詠鶴奉賀

谷信

鶴向高堂舞松經千載蒼無看非上

壽不獨仙桃紅

某氏太孺人八十壽詠鶴奉賀

志村浚明

高堂阿母樂宴席五雲開獻舞千齡

鶴翩勸壽杯

霞關曉行

東愿

關措江城側江城曙色催欲向關門去霞關諸樓臺

飛鳥山賞花
卷六

飛鳥山賞花

井氏

青春行樂處把酒百花香歌舞興無

盡從佗對夕陽

敗蕉

岳融

攀蕉上有詩字工如此定知絕妙

辭破綻秋風裡

城東看梅花

宇惠

攜手遊東野梅香乍入衣黃鶯如呼

我花下盡尊歸

詠史

源敏樹

盜跡何為者夷齊飢首陽是非誰得

識千歲且悲傷

其二

合

何必卯金刀車書自屬曹偽朝諸葛

亮天下尚稱豪

江上聞砧

蓋延齡

江上砧聲急紛、滿旅舟如奈孤征、
客兼思戍歸愁

觀洪水

森鐵

初秋一夜雨、總野變洪流、若令神禹、
在當憂億兆愁

題蘭

合

真成似君子、國香風處傳、難兄簞菊、
色蕭瑟汨羅邊

夜下澱水

木衆

初更船已發、兩岼尚人家、處處春燈、
亂疑看雨後花

其二

合

二更擁被卧、雜沓似魚鱗、春水舟如、
鳥翛然過澱津

其三

合

三更行愈遠、纔自出塵寰、矯首問舟

子路程歷幾山

其四

今

四更何處境雞犬遠相聞
河畔穿苔望垂楊綠帶雲

其五

今

五更霜滿天寒厲不堪
眠起坐知城近晨鐘到客船

題富士

藤尚綱

名山三十六出類芙蓉巔
天下所何見四時懸雪烟

貧女

山本信有

家無臙脂具猶苦補鷄衣
簷外見年少反走避褐幃

題諸葛子文画山水圖

植通央

屋後山雲起樹裡江流激
有客開青

樽對月坐石壁

六言附

早發飽津

緒修

筑波日出三竿春霧絹江朝寒處
碧林好鳥飄蓬遊子獨看

酬魯公

釋淨壽

關、春樹春鳥翳、暮山暮雲命駕
故人問我題門凡鳥知君

初冬遊驪山

西川瑚

數里寒天策杖丹楓相映青山松間
花表棲鶴一片郊雲獨還

青松篇為竹子遠壽大孺人七

十初度

六言
八句

合

老樹經霜不凋南山送色飄颻仙雲

自拂瓊席瑞氣遙懸紫霄鬱翠含煙
偃蓋青葱映日垂條高堂對此開宴
稱壽笙歌動搖

五言絕句附錄

獨夜

平曉

銀燭留寒影愁心無盡時
捲簾含淚立纖月照蛾眉

山田先生墓下作

今

星霜十七回懷古不堪哀
只有臨池色浮雲隔夜臺

讀秦記有感

不破宣尹

秦豈無良士不看奏諫書
撫胸空度日妻子在茅廬

大東詩集卷六

大東詩集卷之六終

大東詩集卷之七

東都書肆 藻雅堂輯

七言絕句

夢鄉

井純卿

歸夢天涯自不迷
大江斜繞艸堂西
無端覺後開窓望
但有前峰落月低

富山之作

紀德民

白雲高蹈梵王樓
萬點晴分松島秋

大東詩集卷七

初識秦主遙問藥大東元自有僊洲

題李青蓮望瀑布圖

合

天上謫仙無可儔匡廬高蹈白雲遊
于今瀑布千尋色併引詩名海外流

元旦代婢

井湛

東風雪霽動簷鈴自惜春霄夢寐醒
步到井邊天未曉低頭汲得兩三星

哭友人

合

君家衆妾玉為姿歌舞婆娑彼一時
誰念張郎今不見春來各自画蛾眉

武陵思鄉

緒方修

天邊北雁斷雲間客舍秋寒月似環
歸思不離浪水上夢中時過白河關

杜鵑達曙

中村以貞

五月蒼茫欲曙天杜鵑聲歇雨聲懸

暗風滅燭魂堪斷鐘漏綿綿獨不眠

春日雜詠

石金宣明

賜茅連甍通狹斜弦歌處處惜年華
東風一夜花飛盡春色猶餘許史家
六十初度諸君來賀喜而賦謝

小野常建

枯魚濁酒壽筵開滿坐翩翩作賦才
偏愧鬢邊垂白色併將彩服照行杯

秋日台州先生過飲遁齋

高木榮

落日銜杯江北天新詩堪賦白雲篇
東山明月君應見何處清光不可憐
奉答台州先生席上見示

佐滕三立

今日尋君海左岑山中示我白雲吟
白雲常滿閑窗外始見華陽洞裡心

呈源子敬

中木好問

花時光景夢中過，依舊人間風雨多。
聞道仙臺長日月，五城春色近如何。
月下對梅奉東台州先生

高橋玄達

江南春色後園梅，喜見今宵映月開。
非是東風無驛使，相看共醉夜光杯。
聞鶯思友

高橋又玄

故人安在武昌城，萬里相思涕淚生。
况復花間黃鳥轉，春風求友自嚶嚶。

賀玄道士四十

玄道士家蓋
有一偃松

高木樸

瑤臺佳宴海雲寒，綠酒清樽暫罄歡。
共賞欄前松樹色，青葱此日倚君看。

關山月

原煥

浙瀝秋風落葉聲，佗鄉萬里獨登樓。

冷然空對關山月玉笛時催客裡愁

送人之西京 合

歌罷征驂駐不休飄然負笈忽西游
函關壯士誰相見漢代弃繻入帝州

簡佐以貞 合

各天正賦白雲秋別後金尊憶旧遊
且待陶家新酒熟清風明月共登樓

客中送別 菅野之義

幾年萍梗結交歡此日風塵離別難
相送河梁聊握手徘徊却作故園看

夏夜作 僧田翁

獨登高閣夜沉沉皎月玲瓏掛綠林
端坐清風江上起渺然波浪疊黃金

秋夜過回道入宅分韻得清字

合

秋夜高樓月影清桂樽兼勸芋魁羹

終夕慙慙留客醉深憐投轄主人情

送高元彝遊仙臺

道士玄之

今朝匹馬向仙臺更待金華叱石回
此去雲山無限好不知何處鬪奇才

送秦素禪師歸勢南

道士春洞

青山春色傍幽谿綠樹花開黃鳥啼

一曲離歌千里別白雲相送武浪西

贈醉翁

僧天英

春風醉卧草亭中識得人間万事空
時結漆園蝴蝶夢深知濁酒一杯功

春日同友人賦得來字

菅野惟富

江天把酒上高臺正有春光佐客杯
若道黃鶯無解意樽前何逐故人來

春日過友人宅

菅野惟敬

桃花爛熳映林園君又彈琴此避喧
坐久始知風土美春光不讓武陵源

九日訪隱者不值

凡河内好古

空山寂寞雨初收偏鎖柴門澗水流
採藥仙翁何處去黃花楓葉不勝秋

春日偶成

松本曜

小洞桃花照眼新樽前日愛武陵春
即今非復秦皇世却避風塵擬古人

春日書懷

僧玉周

黃鳥聲々喚友時梅花纒綻兩三枝
河山各自春光滿把酒還吟水部詩

九日懷人

加藤質

秋風蕭颯菊花開獨坐懷人且舉杯
此日登高能作賦不知誰是大夫才

秋閨思

芳賀文炳

良人一去幾經年
丹鳳城南欲暮天
此夜秋風催木葉
金閨愁思有誰憐
春日雨後過白雲館呈台州先

生

青木宗珉

雨後園林花正開
今朝載酒問音來
陶然已醉春風裡
落日西春未擬回

佩刀

尾修平

腰間切玉雪鋒刀
鶴鶴風吹又試毛
壯士從來能自衛
蘇痕磨落氣逾高
聞筑峰先生有鼓缶之變賦此

奉弔

望章

蕭家千歲鳳凰樓
豈謂孤飛獨向西
風竹曉驚雲雨夢
悲看月露濕空閨
送僧攜友人還鄉里

今

龍象攜歸方外親誰知天地本無倫
飯心未問真源妙空別青蓮微笑人

澱河夜帆

古鬲

扁舟夜泝澱河流淡月踈烟水上浮
無限客愁天欲曉煙消月落水悠悠

聞完上人攜諸道侶集天盈師房

賦此奉寄

全

高僧杖鉢出山時瀟灑形神猿雀隨

枯木從來秋不管祇林一任逆風吹

呈雪中大潮尊者

田周之

天風拂樹雪花飛寒月婆娑舞翠微
是物知君衣裡色仙家尚且有光輝

舟中雪分得舩字

全

清夜寒流醉上舩月光浮水水如天

乘來江畔興無限雪似山陰訪戴年

贈槐菴國手

釋大潮

扶桑紅旭出蒼波東嶽仙都名勝多
聞道君傳三世訣還丹一粒療諸疴

辛丑元旦

彌井剛

春去秋來復見春一來一去物光新
屠蘇聊擬人間事惟有鶯花憐此身

相阪懷古

安修

阪傍琵琶湖水頭行尋陳跡薜蘿幽
唯聞石上流泉響疑是當年胡渭州

鏡山懷古

全

湖上秋高石鏡山回看一片月光閑
極知今古人同感憔悴經年旅客顏

昭君怨

木雍

花落花開幾度春年々獨自老胡塵
君王不識長安月夜々邊城照美人

寄懷田保卿 保卿新月城人

晁知敬

新月城頭新月秋好看
新月對新秋
酌酒新琴賞新月
醉歌新月半輪秋

簡德永源吾 今

雪消春柳映江灣
日暖紅霞動遠巒
逍遙好酌芳樽綠
風詠相攜舞雩還

塞上聞笛 篠原惟秀

胡笳何處月前吹
已入關山動所思
十萬健兒齊不語
相看雙淚亂如絲
送原飛卿之東武

林義卿

由來男子事雄飛
此隨公孫去帝
畿到日將成千里
志杜鵑休叫不如
歸

和西川元章見贈

全

新詩光彩入欄開君自彥城一俊才
已訝淡湖龍女王投來為照讀書臺

和西子璉

源康純

鴻書昨夜到城頭萬里相思重倚樓
自是江湖明月好各天難擬剡溪舟
送西子璉之南都便道省觀

松崎惟時

江州鄉里擁湖城寧樂山川舊帝

京駐馬定多懷古句上堂纔慰倚門

情

太白望瀑布圖 全

青蓮居士謫南方却望廬山詩一章
秋來白髮三千丈熟與飛流似個長

竹枝詞

全

樓頭明月光纔至江上行入影在地

隔岼篴篴曲未終，繁聲暫歇緣何事。

青樓曲

鷓鴣一

曉寒輕襲合歡衣，欲別深閨燭影微。
縹緲歌聲何處去，分明孔雀東南飛。

過日本橋

鳴鳳卿

日本橋上日本人人去，人來幾人新。
相逢相值皆名利，為雨為雲誰問津。

席上次韻西川子璉見贈

龍公美

月裡桂華今夜攀，錦筵醉却老衰顏。
相逢不道新知樂，一曲彈琴水與山。

荷花

森方美

灼灼芙蓉無數花，薰風吹滿綠莖斜。
還疑十二樓臺畔，多少神仙醉彩霞。

西子璉太孺人五十壽詞二首

劉維翰

班爛花映萬年卮珠樹蟠桃欲熟時
聞說誕辰逢稜禊春衣應似醉瑤池

其二

全

琵琶湖上一天霞常給晨餐仙女家
錦帆春濃萱州色瓊觴香泛碧桃花

寄題寒玉亭

越正山

吏隱風流常隱机幽亭曾筑幽篁裡
千竿帶露綠陰清清操相憐高操士

秋閨思

西川瑚

深閨獨夜淚痕斑夢裡何時到玉關
翡翠簾前秋不斷空懸明月似刀環

漢宮詞

全

漢家歌舞侍宸遊粉黛如雲滿玉樓
何處君王移鳳輦月明三十六宮秋
贈朝鮮制述官南秋月

全

相逢詞客倚香臺學士風流一代才
此日瓊筵聊染翰驚看紙上筆花開

寄題草月亭 合

清秋八月倚高臺秋草芊芊映月開
月露秋光無限好好將秋月醉啣杯

寄訊西子璉 谷友信

故園春艸近何如錦字成花間倚閣
菽水舊歡殊不淺投流應寄竹簫魚

夏日過山君忠聞橫笛

大田覃

縹緲孤亭倚落暉一聲橫笛入雲微
怪看庭際垂楊色不待秋風葉已飛

天龍灘舟中之作

川孟綽

天龍灘上下天龍龍去雲晴不見蹤
波際只餘勁風颯回頭已失萬重峰

和某氏見贈作 田順

東閣風流日日開，獻酬詩酒夜光杯。
主人時是招賢地，難入瓊筵女史才。

春夜聞笛 山高圭

江天明月散烟霞，一夜春風玉笛斜。
孤客聞時腸欲斷，曲中吹出落梅花。

東山看花 山維善

東山數里碧崔嵬，日暖風輕花正開。

坐見天台琪樹色，春光更映赤霞來。

和荅西川子璉 箕山逸人

湖上風寒一檠廬，烟波蓑笠老耕漁。
百年生事長如此，無意王門混曳裾。

聞砧 津田正輔

高秋月白獨登樓，何處砧聲空自幽。
孤客心頭先聽得，淚痕一夜不堪愁。

二 全

高樓明月白雲浮，檻外回頭山更幽。
無數砧聲聞不盡，鄉情千里屬悲秋。

漢宮四時怨 小山為滋

蒼、綠樹繞西宮，明月照來螢火空。
誰向紅顏憐薄命，清風唯入翠帷中。

二

全

香幃寂寞歲華闌，獨夜窓前霜色寒。
覺恨鴛鴦衾裡夢，分明猶作舊時看。

采蓮曲

上田享

如雲紅粉泛輕舸，菡萏花開映綺羅。
碧水晴來明鏡裡，采蓮歌起月婆娑。

當壚曲

酒井忠見

粉黛當壚桃李紅，橋邊堪繫五華驄。
章臺何處折楊柳，醉殺長安酒肆中。
同元子熙遊羽田洲

土岐直休

長堤行盡夕陽紅海上布帆連碧空
房總翠密晴靄裡知君鄉國在其中

客舍聞子規

千賀暢政

客舍人稀枕上眠子規啼血度遙天
三更夢斷開窓見帶雨暗風吹燭烟

秋遊山寺

永島遜

丹楓落盡滿禪宮乘興題詩古寺中
好有陶家新熟酒不妨攜去醉秋風

聞笛

土岐貞

江上秋風月色寒故園何處望漫漫
誰家此夜吹橫笛獨坐燈前淚不乾

和大須賀世龍月夜見寄

全

嘗侍講帷俱讀書風流無恙近何如
月明今夜好誰見忽有新詩照草廬

秋江夜泊

大谷木文

宛轉長流秋色寒，扁舟一夜泊江干。
曉風吹送烟波裡，漁火侵眠月影殘。

雪夜訪友

全

白雪紛紛溪上飛，更看積素掩柴扉。
訪君篔簹今宵興，正似山陰未忍歸。

夏晚登樓

相川孟

黃昏把酒上江樓，簾外月斜螢火流。
好是清風涼似水，何人醉裡不忘憂。

奉送叔父山邊重孝之長崎

山本守道

海上西程萬里遠，可憐秋色映征衣。
天涯尺素何時到，遙見關山鴻雁飛。

秋日登樓

馬場信友

枯柳蕭疎一雁聲，西山微雨度江城。
朝來秋色已無限，獨上高樓萬里情。

山莊牡丹思舊友

釋應元

每見牡丹思往時，紅妝帶露兩三枝。
題詩獨咏林亭裡，春晚花開好贈誰。

元日

今

香刹晴來曙色催，遙看淑氣滿城臺。
春冰好有供佳茗，不羨人間椒柏杯。

禪房咏螢

釋惠空

河邊綠草細如煙，螢火隨風吹欲然。

縱是練囊感不得，開窓映見貝多篇。

江上春望

高田信茂

一路迢迢連翠雲，渡頭梅柳織成文。
布帆無限春風裡，千里長江落日曛。

秋日寄懷友人

神保應興

江城為客卧茅廬，天外遙思音信疎。
岐阜月明誰與釣，百盤秋色近何如。

客舍聞子規

高島美重

春盡子規雨裡聞，
隴上淡月入江雲。
鄉園無那音書絕，
千里天涯望不分。

臨終咏天竺花 釋順察

秋叢白露化城壇，
天竺花開含笑看。
豈是山僧耽愛執，
朝偏作紫雲觀。

春白過梅兒塚 風馬山人

阿梅冢上恨空傳，
江渚尋春春可憐。
只有當年楊柳色，
青不改墨河邊。

遊仙曲

今

春城日暖紫鸞過，
花發春光映綺羅。
百尺樓臺三十六，
不知何處艷仙多。

漢宮詞

西郊鄙人

貴賤元因家有無，
分明懸榜在鴻都。
東園勿怒禮錢少，
鄉里嘗知阿母奴。

酬西川子璉席上見贈之作

奧田士元

何須杖履歎途窮追逐探竒賦更工
樹下盤桓堪避暑殊憐白雨濺青葱

寄西川子璉

越元嘉

宦游應歎客衣單欲贈綈袍路渺漫
似是故人情更薄先將書札問加餐

小督詞得書字

管圭

宮女辭恩出闕初君王對月怨離居
侍臣幸有中丞直揮淚慙慙授詔書

右君王

侍臣銜命奉天書認得西郊一草廬
唯為松風亂琴調門前駐馬獨躊躇

右仲國

一出宮中卧草廬豈圖今夜賜天書
彈琴若不乘明月御史何能認得予

右小督

瓶中梅

釋竺常

何處深林冰玉容移來瓶裡與何濃
夜深獨卧窓頭月夢在羅浮第幾峰

除日

原公逸

老來身子髮將斑歲月軼除天地間
諸弟故園應長大依然入夢幼時顏

東山寶光堂觀花賦示劉文翼

唐世濟

雨霽東山淋景新懸珠萬朶寶光春

天風一拂花如雪應屬梁園作賦人

賀祖門師首座于巖邑桃源寺

全

桃源精舍碧巖東開士如雲滿梵宮
懸想法筵揮塵處天花片舞春風

仙波宿喜多院 全

琪樹香雲接碧霄風飄花雨灑煩囂
禪關夜靜據梧坐明月窺人照寂寥

五月霖雨

槻楪

不共戴天弟與兄仇讎新報獵場營
至今五月成陰雨孝子長留萬古名

贈賣酒人噲噲家在京師白河橋酒旗上揭以

黃鳥一聲句

伊質

一聲黃鳥勸杯新一聲一杯醉幾人
非釀白河花底水玉壺何得貯芳春

冬日遊墨水

山致卿

寒色蕭條墨水流岼傍處繫虛舟
獨遊今日無人伴的白鷗水面浮

遊東叡山

全

清筵日暖映春暉處佳人羅綺衣
多少杯盤都狼藉斜陽幾客醉中歸

姬人怨服散

小瀕敬

寂空閨未寢時秋風紈扇對娥眉
月明簾外似人間遮莫夢為盜藥姬

東都訪西川子璉蓬蒿舍得天

字

野公臺

陌上紅塵寄一塵蓬蒿繞舍日蕭然
尋來酌酒同成醉疑是壺中別有天

送客歸薩州

岍鳳質

長風一夜動離愁薩國歸心難可留
客路天涯何處望孤帆飛入海門秋

鳳臺曲

竹正辰

秦臺十二彩雲端仙女吹簫倚玉欄
一自雲端駕雙鳳秦臺長駐彩雲看

友人贈酒賦謝

山宣昭

草廬無客送多年隱士題詩為我傳
童子共攜家釀酒依君終日甕頭眠

青樓曲

全

東桃西李玉樓春宛轉娥眉粉黛新
半捲朱簾猶未盡倚欄素手指行人

訪隱者

源為綱

翠竹千竿遠屋深柴門石逕獨相尋
閑庭花落人無掃更使吾曹生隱心

送人之勢州

安藤貫五

二月金鞍向勢州留君滿酌賦離憂
遠遊此送隈河上共攜別酒何處樓

調馬行

華山英俊

金埒紅塵映日開銀鞍白馬四蹄輕

追風噴沫汗流血嗟爾能堪千里行

懷故鄉

高橋采

故園北望白雲間春色年年動客顏
已厭他鄉人自老那堪兄弟隔江山

冬夜飲友人宅

全

雪後千門夜色寒高樓把酒結交歡
盛筵談笑宜行樂隨意流年看更闌

元日

全

東海雞鳴曙色新，辛盤相對萬家春。
馨香先動屠蘇酒，喜我今朝後幾人。

城上聞砧

源師道

鳳皇城外月光流，滿地清霜萬戶秋。
吹盡西風擣衣夜，寒聲何處不邊愁。

曉發古驛

釋道潮

曉辭古驛下前溪，深樹空濛惜馬蹄。
處處鳴鷄行欲絕，月殘山畔白雲西。

雨中泛江

源維亮

天邊雨色滿江河，乘興扁舟遵渚過。
咫尺雲煙人不見，蒼茫唯自聽漁歌。

芙蓉峰

仝

五十三驛白雲間，幾處群峰解客顏。
非見芙蓉天外雪，何知東海有神仙。

塞上聞吹笛

峰駿

胡天一望月如環，玉笛誰吹大漠間。

敬馬殺漢軍多少夢隨風夜々滿關山

鎌倉懷古

今

三代旌旗繞霍陵鎌山黠作白雲層
龍飛城闕今何處試問林間蕭寺僧

江上看花

立懷之

悠悠鄉思對花新江北江南總是春
黃鳥不知孤客恨數聲啼處綠陰深

舟行遇雪

今

雪滿江山興欲闌孤舟遙夜北風寒
篷窗夢斷無衣客到曉苦吟行路難

牛渚七夕懷朝鮮諸官人

井通熙

烏鵲橋邊月欲斜銀河遠接白雲涯
不知仙客西歸路何處星隨萬里槎

鷓立澤

今

花滿湘山古驛春東風處々客中新

到來縱及烟霞色尚想行吟澤畔人

豐王小像

全

軍城百戰舊衣冠叱咤于今風雨寒
威武飛揚西海路猶聞麾下取三韓

看花寄友得一東

田義一

東山一雨百花紅到處鶯聲芳樹中
何日君家如玉妓攜來歌舞醉春風

大隄遇雪

全

雲掩長隄飛雪寒瑤花風起夜漫漫
珠簾捲處人如玉忽作嫦娥宮裡看

賀紫城山人八十誕辰五首

全

富嶽玲瓏東海天攀來絕頂綵雲懸
紅顏相映峰頭雪人道山中姑射仙

山人京師人今茲自京師來下東
都途登芙蓉絕頂矍鑠之狀可掬

二

全

鶴髮飄然醉態深，滿堂詞客一登臨。
銜杯笑問籬邊柳，歲聽鶯倚綠陰。

山人號柳
下居土

三

全

遙知綵筆照高亭，滿樹如雲入座青。
最是南山高唱處，樽前笑勸老人星。

四

全

海上仙禽舞壽筵，開樽勸醉酒如泉。
君家原有千年樹，正是和鳴響九天。

五

全

芳樽照座綵霞流，地類仙居客滿樓。
為是峰頭懸紫氣，何須別自跨青牛。

秋日登高輪樓

能瓊

月出南樓秋色寒，山雲江水望漫漫。
如舟墜葉浮波際，似葉行舟隱樹端。

春日過柳堤

谷希哲

十里長堤接御溝，萬株垂柳似揚州。
春來交影枝，綠不管人間離別愁。

子規啼

全

紗窓殘月曉光寒，起見庭柯露未乾。
啼落子規何處去，雲間但有數聲殘。

遊萬年山

古孝興

官餘曳杖入山門，中有禪房秋艸繁。

古寺梵臺無客到，青松深處坐黃昏。

送人還白石

林直卿

萬里長程搖落秋，關河霜色入離愁。
歸來白石高歌日，乘興飄然獨飲牛。

登鬢髮山

大栗

龍門蘭若白雲頭，遙傍銀河瀑布流。
散步玲瓏千樹裡，清風七十二高樓。

湖上雪

管時憲

凍雲天暗渺汀沙飛雪紛、湖水涯、
莫是人疑春色至總看岼樹不堪花

秋興

須瑜

葉落高秋對晚晴新蒲處、傍溪生、
銜杯閑坐賞孤月忽恐白雲西北橫

遊仙曲

立原萬

飄忽飛翔入碧空朝遊閨苑夕崆峒
誰知來去乘黃鶴萬里軋坤一瞬中

十五夜

釋周全

雨歇雲收霄漢寒峰巒吐出玉銀盤
今霄不識人間事高倚月宮十二欄

送東永師

今

芙蓉削出白雲天天際遙看雪色鮮
縱使空華無所着勝情莫是郢中篇
送華谷子之東都

釋廣流

別路關山白雪寒，郢中猶恨阻交歡。
武陵到日春應遍，花發綵毫照玉盤。

里見古城

全

突兀館山俯海流，城頭一望白雲秋。
蕭條墨壁當年恨，惟有夜猿不耐愁。

漢苑行

源鱗

上苑春風白日遲，千林花媚御遊時。
五雲高閣氤氳裡，瑞氣常浮玉樹枝。

雪中梅

全

春風吹雪滿天涯，清興相思人自賒。
欲折一枝傳驛使，不知何樹是梅花。

春日星嶺智光院集送林岡二

子歸廣陵

藤集澤

雨餘嶺上德星垂，詞客相逢惜別離。
李郭舟中春可掬，烟花行遍廣陵湄。

送野公和

全

大東詩集 卷七
暫時握手，此留歡欲，別何論，行路難。
自愛折衡千里，意仰看紫氣，斗間寒。

驪山行

全

西郊十里，試經過，醉裡陶然各自歌。
更訝行，源上路，開花幾處，不勝多。

仲秋悼津貞夫分得灰韻

全

此夜高堂秋色開，興來徃，對啣杯。

佳人竊藥，今何處，空入月中，竟不回。

寄滕太簡

全

萬里天涯，尺素勞，故人無恙，一褌袍。
幾年我輩空，雌伏憐尔，雄飛意氣豪。

送邊堯臣代內

越融

聞道東都樂事多，青樓春日易蹉跎。
可憐堤上蕭蕭草，故送征衣渡玉河。

贈紅毛人

井潛

大東言集 卷七
風濤萬里海為家幾恨煙霞天一涯
知爾無行非足跡歸時何問指南車

明妃曲

合

邊月胡霜照別離琵琶一曲為誰悲
桃花馬上新聲起愁殺單于綠眼兒

題美人畫三首

合

陌上胡姬金步搖紅顏深映夕陽嬌
逍遙好在春風裡多恐垂楊妬細腰

右美人散步

二八紅粧長袖鮮新聲寫得十三絃
拂絃含態情無限準擬人看停玉鞭

右美人彈箏

春風冷艷透羅衣纖手攀枝冰雪飛
自有名花堪解語青樓此日鬪芳菲

右美人插花

東山春興

釋六如

官情苦短吟情長擬取全春貯錦囊
散地願爲花吏部批紅判白事東皇

冬日閑居雜述 合

曝背茆檐日欲西推書倦眼漸低迷
點禽偷視南天竺飽啄紅珠磔啼

霜曉

合

曉枕覺時霜半晞滿窗晴日已熹微
卧看紙背寒蠅集雙脚按筆落復飛

葛西春菘

合

甘脆菘心飽雪霜迎春細蕾裏微黃
便和芥子下鹽豉一段精神裂鼻香

送源彌之大坂 崔忠良

雨晴江上綠楊垂風物斷魂分袂時
往矣欽哉還自重莫將春色亂鄉思

題桃源圖

無名氏

桃花流水画來新洞裡乾坤秦晉春

相對悠然迷出處自疑身作失津人

採蓮曲

安鱗

娥眉如月見花羞蓮葉香深白露浮
纖手不勝回蘭棹並連青舫下溪流

題遏雲閣

丹羽甫安

獨開戶牖望江干雲漢西流眼界寬
一陳清風毛骨冷閑看山上月團圓

題淡海旧廬

丹羽桃丸

松尾村頭幽興長垂竿棹筏酒醴香
千秋無恙白河水孤客誰憐思故鄉

鈴鹿覽古

今

秋陰探古入行吟肅殺風搖鈴鹿岑
神力彎弓夷賊盡似聞飛箭削昔時音
克己亭送浦上君輔歸備前州

内藤政陽

含情席上拂琴稀艸題詩濕別衣

縱使知音多，故國龍岡秋色莫相違。

大堤曲

泉豐

大堤二月百花香，來繫紫騮垂柳傍。
醉卧爐頭遊冶子，不知春色媚斜陽。

送人之浪華

全

鳴鞭行，爾信輕裘鯨飲自驕試遠遊。
聞道大都多任俠，螺盃飲盡浪華秋。

少年行

全

風暖江東楊柳新，解魚偏醉酒家春。
呼盧豈厭青錢盡，意氣寧知四壁貧。

品川眺望

福文祥

斜陽望斷碧波間，遠近漁帆相逐還。
無盡陰雲次第散，暮潮浮出房然山。

秋宮怨

藤之猷

獨坐深宮白露秋，玲瓏月色照床頭。
堪聞搖落園林響，誰識西風夜、愁。

送金峩先生之與州

巖戴

仙臺何處白雲中，客路悠悠繞海東。
誰道蓬萊難可到，金鞭直指蕊珠宮。

春曉怨

釋秀合

宮園露冷早鶯來，夢斷空牀春恨催。
起捲朱簾望殘月，朝雲未散楚王臺。

金川喜雨

中里維忠

赫々南天金石爛，人間行路實難哉。
須臾西北陰雲起，忽爾千峰驟雨來。
暮春送藤子忬歸省長府二首

服元立

楊柳青青映客衣，春風欲暮促西歸。
相憐花下開樽醉，一別天涯如雨飛。

其二

合

何物攜歸奉老親，一經傳處彩毫新。

桃花不迷朱霞色重問武陵源上春

贈舊友東武桃磨

無能軒

君從蚤載水魚盟往事那忘竹馬情
幾許分邦遙鶴望浮雲尚隔武陽城

秋夜憶故園

源衡

誰家此夕急寒砧散動鄉情月影深
千里秋風催木葉十年空抱李鷹心

題画

源顯忠

天台山下溪流自有胡麻飯屑浮
此裡劉郎行樂好人間歸去幾回秋

少年行

合

繁華年少不知愁躍馬春風競冶遊
各逐紫烟花柳路千金寶劍白狐裘

送友人

村柔克

蕭々夜色碧空晴明月天涯白露清

水東詩集卷七
送爾秋風一聲笛關山吹滿別離情

塞下曲

全

北風蕭瑟隴頭秋烽火頻連百尺樓
坐聽胡笳明月夜關山無處不悲愁

殘菊

岡忠良

秋風蕭瑟氣蒼茫楓樹摧殘九月霜
隨意園林搖落盡東籬尚有菊花香

折楊柳送人

全

河畔青絲弱柳垂一枝攀折欲分時
無端吹起誰家笛輕入春風催別離

重送滕公美之京

唐郁

重留征馬醉相看枯柳春遲欲縮難
玉笛空吹落梅曲梅花未發別筵寒

送某氏再遊東輿

谷信

金華山色接仙臺無恙秋風探勝才
堪憶松洲明月好詩成清興向誰開

折楊柳 志村浚明

胡塵天暗逼龍堆絕漠秋風動地來
乍起笛聲三奏曉單于十萬解圍回

某侯池亭賞紫藤

稻垣長和

雲封密葉雨連枝池上花鮮嫩色垂

欲入陽臺楚主夢應懸瓔珞結相思

懷成叔 釋方圓

乘晴夜坐倚香臺雨後園林積翠開
朗月清風秋灑落相思長待許恂來

雨中山行 皆川潤

北風吹雨入寒林樹色濛濛路轉深
雲隔連巒村落遠行人多少迷層陰

東山看花 山田正珍

東山芳樹彩雲中，仙梵微、度晚風。
佳氣鬱蔥春不盡，洞天三十六花宮。

谿行逢雨

伍貞於

谿間客路薜蘿繁，宿霧天蒸日色昏。
忽見千峰雨如瀑，泉聲霹靂共銷魂。

箕尾山即興二首

葛張

天女飛泉晝吐霜，霜餘紅樹助君粧。

可憐白髮三千丈，沐向懸崖晒夕陽。

其二

今

霜落山林五色新，枝、自勝百花晨。

溪橋欲度還停杖，天女多情惱殺人。

舟中曉望得東字

樋口器

洲前月落冷江風，繫纜扁舟蘆荻中。

漁火水烟天未曙，丹霞先上海門東。

花坂

片歌

滿山芳樹白紛紛十里須知路不分
童子募緣三尺藥一錢培得一株雲

和答餘子綽聞笛見憶

源惟磬

笛裡梅花落晚風吹催客恨滿城中
翻來一夜關山月應入南樓傷庾公
仲秋無月夜半新晴

合

月清風度白雲翔不是尋常一樣光
思得嫦娥新出浴鸞鏡開來拂淡粧

秋雨寄憶高周挺

合

幾度秋風歎索居征鴻將雨不將書
客心未遂蓴鱸思鄉夢長迷千里餘

登石山寺望月

釋道布

古寺岩、碧石端寶樓遙暎大湖寒
月猶如日虛空住人自倚欄天外看

楚宮詞

合

行宮春宴賜金鍾日照珠簾宿醉濃
妃嬪不識君王夢夜雨新晴十二峰

送人之玉河源

峰真

君去春雲向晚村晚村行盡玉河源
玉河源上仙山路能使桃花迷旅魂

春夢

峰宗英

孤月娟、照洞房美人枕上夢昭陽
忽從花底為蝴蝶翩逐春風簾外香

江樓春望

合

層樓下瞰大江隈萬里烟波映檻開
無限春帆懸白日東風簾外拂潮來

鎮懷石

合

我帝征韓彩鷁船饒歌乍震碧空旋

猶餘御袖雙明壁萬古玲瓏筑海天

枕

東愿

夜、閨中經幾年夢驚眠覺使人憐

春城處、相思婦托爾往還沙漠邊

松鶴壽歌奉壽吉田侯五十初

度

字惠

鬱、青松映殿前昂、白鶴舞池邊

龍鱗玉羽千秋色坐客偏疑玄圃仙

步虛詞

岳融

雲車長度月明邊環佩聲高落九天

一夜不知何處去崑崙山上會群僊

春思

高氏

陌上萋、草已芳柳絲何處繫留郎

閨中盡日愁無那起抱鳴箏對夕陽

春雨作

服圭言

盡日空濛一草堂庭柯斜帶雨痕長

不關瀏亮笛中曲，唯恨梅花落短牆。

甲午元日

滕益道

芳菲方報墨河濱，六十六年又逢春。
奈管風塵交俗客，遽廬白髮守孤貧。
抄冬諸生阻風塵不至

森鐵

可憐楊子草玄臺，歲暮無朋載酒來。
唯見庭梅突寒凜，咲攀霜鬢獨徘徊。

烏夜啼

無名氏

萬里關山夢不迷，覺來寂寞卧空閨。
庭階但有餘明月，為妾慙慙烏夜啼。

送真淨上人之京

岍鳳質

飄然遊戲指平安，飛錫凌空路不難。
到日天台賦應就，山川勝事任君看。
堯卒園送高玄令歸東都

今

東林秋色萬峰晴，落日丹楓相映清。
中有江城促歸客，西風蕭颯動離情。

遊天女洲

田邦光

此地啣杯同盡歡，雨晴雲散水漫漫。
清風吹落台山下，天女洲頭五月寒。

雪遊

山本信有

蓑衣雪撲最風流，想得往時鶴襲裘。

銀樹自添塵外趣，坐疑身是在瀛洲。

春閨思

今

稍近歸期情轉親，空閨豈耐獨逢春。

自憐鏡裡新妝色，餘却雙眉待画人。

失題

熊阪邦

妾元神女巫山來，誤落人間不得回。

一自高唐入夢後，夢魂朝暮繞陽臺。

偶成

太洲

百年世業老樵漁，鞭艸結綱雙鬢疎。
宿昔志操摧折盡，為誰徒抱烈山書。

題山水圖

安藤廣峰

蒼山積翠入圖開，春色天晴烟水隈。
屏底丹青無近遠，卧遊惟見片帆來。

春思三首

阿正識

階庭昨夜發桃花，山色春歸流彩霞。
時有簾前成雀社，香風幾度散蜂衙。

其二

今

欲繫垂楊白鼻駒，縈煙裊娜拂金鞍。
清樽美酒為誰解，盡日青樓倚画欄。

其三

今

東風夜雨霽，薔薇幾處牡丹，蝴蝶飛。
尋夢邯鄲往時興，當杯檻外採芳菲。

冬日村居

平曉

松風繞屋曉煙青，獨坐沈吟一草亭。

寂寞年々人不到薜蘿自是掛幽扁

冬曉

今

疎林風動炊烟重烏鵲聲喧雜曉鐘
一望遙看青靄外天懸旭日照芙蓉

七夕詞

源成章

纖々新月照彫梁回望銀河正渺茫
今夜牽牛何處會唯看白露濕羅裳

春日伊藤氏別莊看梅花

源文成

負郭名園暖自回數株梅樹向春開
清光無限花如雪片片隨風點綠苔

杜鵑

今

杜鵑何處逐行雲半夜樓頭月色分
為有巴山啼血恨江南遊子不堪聞

大東詩集卷之七終

寬政十一年紀三月

書肆

本石町十軒店

西村宗七



大東詩集卷之七 五十

